



БУЛГАН АЙМГИЙН ЗАСАГ ДАРГЫН ЗАХИРАМЖ

2022 оны 03 сарын 16 өдөр

Дугаар A/175

Булган сум

Г Ой, ойн санд аж ахуйн үйл ажиллагаа
явуулахыг түр хориглох тухай

Ойн тухай хуулийн 17 дугаар зүйлийн 17.2.18. дахь заалт, Галын аюулгүй байдлын тухай хуулийн 4-р зүйлийн 4.1.1, 4.1.2 дахь заалт, Засгийн газрын 2013 оны 03 дугаар сарын 22-ны өдрийн 106 дугаар тогтоолоор батлагдсан “Ой, хээрийн түймрээс урьдчилан сэргийлэх журам”, Байгаль орчин, аялал жуулчлалын сайдын “Ой хээрийн түймрээс урьдчилан сэргийлэх арга хэмжээний тухай” А/49, 2022 оны “Бугын эвэр түүж бэлтгэхийг түр хориглох тухай” А/65 дугаар тушаал, аймгийн Иргэдийн Төлөөлөгчдийн Хурлын Тэргүүлэгчдийн хурлын 2020 оны 20 дугаар тогтоолын хавсралт “Булган аймгийн 2020-2023 онд ой, хээрийн гал түймрээс урьдчилан сэргийлэх, тэмцэх үйл ажиллагааны төлөвлөгөө”-г тус тус үндэслэн ЗАХИРАМЖЛАХ НЬ:

1.Түймрийн аюултай үед ой, ойн сан бүхий газарт аялах, ан агнах, бугын эвэр түүх, мод бэлтгэх, ойн дагалт баялаг ашиглах зэрэг аж ахуйн үйл ажиллагаа явуулахыг 2022 оны 03 дугаар сарын 20-ны өдрөөс 06 дугаар сарын 10-ны өдөр, 9 дүгээр сарын 20-ны өдрөөс 11 дүгээр сарын 10-ны өдөр хүртэл хориглосугай.

2.Дээрх хугацаанд түймрийн аюулын зэрэглэл I-II зэрэглэлд хүрч болон буурсан үед ой, хээрийн түймрээс хамгаалах арга хэмжээг хэрэгжүүлж, мод бэлтгэл, ойн арчилгаа, цэвэрлэгээний үед түймрийн аюулгүй байдлыг хангахад тавигдах тусгай шаардлагыг хангаж, орон нутгийн Засаг даргатай гал гаргахгүй байх гэрээ байгуулан Гал түймрийн улсын хяналтын байцаагчийн дүгнэлтийг үндэслэн ойгоос мод бэлтгэх үйл ажиллагааг явуулахыг зөвшөөрсүгэй.

3.Түймрийн аюултай үед сум орон нутагтаа байнгын жижүүр ажиллуулж, аймгийн Онцгой байдлын газар, Байгаль орчин, аялал жуулчлалын газарт тогтмол мэдээлж ажиллахыг сум дундын Ойн анги, сумын Засаг дарга нарт тус тус даалгасугай.

4.Түймрийн аюулын анги, зэрэглэлийг өдөр бүр гаргаж, Онцгой байдлын газар, Байгаль орчин аялал жуулчлалын газар, сумын Засаг даргын Тамгын газарт мэдээлж ажиллахыг Ус, цаг уур, орчны шинжилгээний төв /С.Жаргалсайхан/-д үүрэг болгосугай.

